

## Oroso ten memoria



O alcalde Manuel Mirás e o historiador orosán Manolo Pazos presentarán o primeiro número de "Memoria de Oroso, revista do Arquivo histórico de imaxes do Concello de Oroso". Unha presentación que terá lugar o próximo xoves 18 de xuño, ás oito e media da tarde, no centro cultural Fernando Casas e Novoa de Sigüeiro.

A estrutura da revista está dividida en seis apartados. Os cinco primeiros incluírán sempre temas de interese histórico, onde se mesturan o texto coas ilustracións na busca dun fin pedagóxico e divulgativo. Neste primeiro número, os temas serán: "Sigüeiro de onte a hoxe" (vistas de Sigüeiro dende o mesmo punto para apreciar o cambio urbanístico da vila), "Cinco persoas históricas do concello de Oroso" (biografías de Lope Gómez de Marzoa, Antonio Francisco de Castro, Severino Ramos Sánchez, Severino Pellit Varela e Antonio Nouché Costa), "San Román, o santo milagreiro" (un dos ritos máis importantes do patrimonio antropolóxico de Galicia), "José Antonio Noya ou a paixón polo Sigüeiro FC" (historia do Sigüeiro CF a través deste mítico xogador, xa falecido) e "Documentos da familia Garrico, Trasmonte".

No sexto tema, denominado "Fotos con Historia", móstrase unha selección de fotos que aportaron os



*Inauguración da Casa do Concello en 1984*

veciños e veciñas que se achegaron expresamente ao arquivo. De cada fotografía contaron a súa historia que serviu para configurar os pés de fotos. Neste primeiro número inclúense un total de 170 fotografías e documentos históricos.

Manolo Pazos adianta que "en vindeiros números da revista iremos seleccionando e desenvolvendo distintos aspectos da historia do noso concello... festas tradicionais, bandas de música, vida no campo, elementos arquitectónicos e etnográficos, historia das parroquias... ou calquer outro asunto que sexa suxerido polos lectores".

**Axenda: Xuño**

- |  |   |  |
|--|---|--|
| <p><b>1</b> - Apertura do prazo de inscrición en: "Bos Días Cole" e comedor do CEIP Oroso. Ata o 15 de xuño.<br/>- Apertura inscrición no "Summer Camp 2015"<br/>- Matrícula na gardería Chousa Nova (ata o 10 xuño)<br/>- Apertura da piscina municipal de Sigüeiro.</p> <p><b>5</b> Inauguración "Diversidades Plásticas", mostra de Teresa Barrós e Pedro M<sup>a</sup> Sacristán. Ás 20:00 h. Ata o 18 de xuño</p> <p><b>6</b> Xornada interactiva de Xadrez, de 11 a 13.00 h.</p> | <p><b>10</b> Fin Matrícula Chousa Nova</p> <p><b>16</b> Apertura de novas inscricións en "Bos Días Cole" e comedor do CEIP Oroso.</p> <p><b>17</b> Entre o 17 e o 20 de xuño: lista definitiva admitidos gardería da Ulloa (de 0 a 1 anos)</p> <p><b>18</b> Presentación da revista "Memoria de Oroso". Centro Cultural, ás 20:30 horas.</p> <p><b>19</b> - Día do Deporte<br/>- Inauguración da exposición, de Avelino Castro. Ás 20:00 h.<br/>- Fin de inscricións no III Campus de Béisbol</p> | <p><b>22</b> - Inicio do Summer Camp<br/>- Inicio do III Campus de béisbol</p> <p><b>26</b> Actuación de fin de curso dos alumnos/as da Aula de Música. Ás 19:00 h.</p> <p><b>27</b> - Baile para maiores co dúo Ana e Cristina. Ás 19:00 h.<br/>- Fin inscricións gardería da Ulloa.<br/>- Actuación dos combos da Aula de Música. Ás 20:00 h no exterior da piscina.</p> <p><b>29</b> - Xornadas de tecnificación da ED Xuventude.<br/>- Campus de verán Club Patín Oroso.</p> |
|--|---|--|

# Summer Camp 2015

CAMPAMENTO VERÁN 2015

CONCELLO DE OROSO

Para nenos de 3 a 12 anos

Actividades lúdicas, xogos, manualidades, saídas urbanas

Motivación, liderazgo, técnicas de comunicación...

Posibilidade doutros horarios / Servizo atención, comida e recreo / Posibilidade días soltos

22 ó 30 Xullo / Xullo / Agosto / 1 ó 9 Setembro

NECESARIA INSCRIPCIÓN PREVIA:  
Centro Cultural Fernando Casas e Novoa

Escuela Con Talento

# CAMPUS 2015

FUNDACIÓN GETA

CAMPUS DE FÚTBOL OROSO 2015

6 DE XUÑO - 31 DE XUÑO

ORGANIZA: ED. XUVENTUDE OROSO / FUNDACIÓN GETA DE VASCO

INFORMATE: Facebook - Campus Innoo / Fundación Geta / Web - www.campusgeta.com / E-mail - campus@fundaciongeta.com

adestra coma un pro!

XORNADAS DE TECNIFICACIÓN ED. XUVENTUDE OROSO

Horarios: Mañanas: 10 - 14 h / Completar: 15 - 18 h (segunda sesión)

Prezos: Matrición: 30 € / Completar: 50 € / Completo (comida): 80 €

Con adestradores titulados!

Perfecciona a túa técnica de fútbol!

Idades: De 8 anos (ano 2011) a 18 anos (2015)

29 XUÑO - 3 XUÑO

Información: E-mail: escuela@fundaciongeta.com / Tel: 646 074 375

# "BOS DÍAS COLE"

CURSO 2015/2016

- NOS C.E.I.P. DE SIGÜEIRO E OROSO
- DE 07:30 ÁTÁ O COMEZO DA XORNADA LECTIVA
- DIRIXIDO A RAPACES/AZAS DE 3 A 12 ANOS

PRAZO DE RENOVACIÓN DE MATRÍCULA: DO 1 AO 15 DE XUÑO

E MATRÍCULAS NOVAS DO 16 DE XUÑO EN ADIANTE ÁTÁ CUBRIR PRAZAS

- SERVIZO DE GARDERÍA E ALMOZZO
- MÁIS INFORMACIÓN NAS OFICINAS DO CENTRO CULTURAL FERNANDO CASAS E NOVOA: NO 981 690 903 OU NA PÁXINA WEB: WWW.CONCELLO.ORO.SG

ORGANIZA: CONSELLERÍA DO ESPORTE / COLABORA: ESCUELA CON TALENTO / DEPUTACIÓN DE OROSO

XUÑO  
5 - 19

## Teresa Barrós, Pedro María Sacristán e Avelino Castro expoñen en Sigüeiro

A sala de exposicións do Centro Cultural de Sigüeiro acollerá dúas exposicións artísticas durante este mes de xuño. A primeira será "Diversidades Plásticas", coas pinturas de Teresa Barros e as maquetas de Pedro M<sup>a</sup> Sacristán, que será inaugurada o venres 5 de xuño, ás 20.00 horas e poderá visitarse ata o 18 do mesmo mes. Un día despois, o 19 de xuño, tomará o relevo Avelino Castro, que presentará "Homenaxe a Rosalía de Castro", unha colección de pinturas, grabados e debuxos. A inauguración será o venres 19 de xuño, ás 20:00 horas.



XUÑO  
dende 1

## Reserva a túa praza no "Bos Días Cole" e no comedor

O Concello de Oroso abre ata o 15 de xuño o prazo de renovación de praza no seu programa de gardería e almorzo "Bos días cole" e no servizo de comedor escolar no CEIP Oroso para o curso 2015-2016. A partir do 16 de xuño, abrirase o prazo para novas incorporacións.

XUÑO  
dende 1

## Aberta a inscrición para o Summer Camp 2015

O Concello vén de abrir a inscrición no Summer Camp 2015, un programa de conciliación familiar no que os rapaces de 3 a 12 anos poderán ocupar o seu lecer ao tempo que aprenden inglés. Inscricións no Centro Cultural, no 981 690 903 ou na Escuela Con Talento (en persoa ou no 881 981 905/981 690 944).

# OROSO

## APERTURA PISCINA MUNICIPAL 2015

### TRAMITACIÓN CARNÉS DE ABOADO

A PISCINA MUNICIPAL TEN PREVISTO ABRIR O DÍA 1 DE XUÑO, EN HORARIO DE 11:00 A 21:00 TODOS OS DÍAS

**PREZOS CARNÉS PISCINA:**

Nenos/as EMPADROADOS de 4 a 16 anos...: 17 Eur.  
Maiores de 16 anos EMPADROADOS.....: 25 Eur.  
(Familia numerosa desconto 20%)

Nenos/as NON EMPADROADOS de 4 a 16 anos...: 24 Eur.  
Maiores de 16 anos NON EMPADROADOS.....: 32 Eur.

**PREZOS ENTRADAS:**

Nenos/as de 4 a 16 anos...: 1,50 Eur.  
Maiores de 16 anos.....: 2,00 Eur.

**Requisitos para tramitar o carné:**

- Xustificante do pago das taxas correspondentes.
- Foto tamaño carné
- Xustificante carné familia numerosa, se é o caso.

**Nota:**  
O impreso para realizar o pago obtense a través da páxina web do Concello. (Pinchar en Instalacións Deportivas)

# ACTUACIÓN

## COMBOS DA AULA DE MÚSICA

SÁBADO 27 DE XUÑO

ÁS 20H

### EXTERIOR DA PISCINA MUNICIPAL

ENCARGO DE CENTRO CULTURAL E PROMOCIÓN DO ESPORTE DO CONCELLO DE OROSO

OROSO  
CASA CULTURAL

# OROSO

CONSELLERÍA DE DEPORTES

## EXHIBICIÓN DEPORTIVAS 2015

VENRES DÍA 19 DE XUÑO

NO PAVILLÓN DE DEPORTES

A PARTIR DAS 17:30

**PROGRAMA**

17:30 EXHIBICIÓN XIMNASIA RÍTMICA

18:00 EXHIBICIÓN TAEKWONDO ITF

18:30 EXHIBICIÓN PATINAXE

19:00 EXHIBICIÓN ZUMBA

20:00 GALA DE CLAUSURA E ENTREGA DE PREMIOS (CAMPO FÚTBOL)



## Oroso premia aos seus mellores deportistas e ás mellores promesas

O Campo de Fútbol de Sigüeiro acolle o venres 19 de xuño, ás 20:00 horas, a entrega dos premios do **II Día do Deporte** de Oroso, unha iniciativa coa que o Concello de Oroso distingue aos mellores deportistas e ás promesas máis destacadas dos distintos clubs deportivos do municipio durante esta última tempada. Unha elección que están a realizar estes días os propios clubs. No campo haberá inchables e poderase xogar tamén ao tenis de mesa. A entrada é libre e de balde.

Previamente terá lugar as tradicionais exhibicións de clausura das escolas deportivas. O programa comezará ás 17:30 horas coa exhibición de ximnasia rítmica, seguido por taekwondo ITF (18:00 h), patinaxe (18:30 h) e zumba (19:00 h).



## O Concello inicia un plan de rebacheo en todo o municipio



O Concello de Oroso vén de iniciar este mes de xuño un plan de rebacheo para mellorar o estado do firme das pistas municipais das distintas parroquias. Unhas obras ás que tamén se sumou xa o inicio da primeira fase do asfaltado da pista que une Ponte Arderiz con Castiñeiro Redondo, duns 1,2 kms. E a mediados deste mes de xuño está previsto que comencen as obras de urbanización dos accesos á nova gardería da Chousa Nova, de xeito que estean rematados antes do inicio do curso.



## Foi noticia...

### Os nenos e nenas de Oroso achéganse ás estrelas



Unha noite de **observación astronómica** no exterior da piscina municipal puxo a broche de ouro a unhas xornadas

sobre o sistema solar impartidas aos escolares orosáns. Unha iniciativa organizada polo Concello en colaboración co Observatorio Astronómico Ramón María Aller da Universidade de Santiago de Compostela e co FECYT (Fundación Española para a Ciencia e a Tecnoloxía), a través do programa "Todocosmos".

### O Campus de Fútbol do Celta de Vigo terá lugar do 6 ao 31 de xullo

A Fundación Celta de Vigo e a ED Xuventude Oroso, en colaboración co Concello de Oroso, celebrarán do 6 ao 31 de xullo unha



nova edición do seu **campus de fútbol** dirixido a rapaces e rapazas de 4 a 16 anos. Haberá fútbol, multideporte, excursións... As follas de inscrición poden recollerse no Centro Deportivo de Sigüeiro ou a través da ED Xuventude Oroso (www.xuventudeoroso.com). O prazo de inscrición remata o 1 de xullo.



Un total de 40 nenos e nenas da escola infantil municipal "A Ulloa", de idades comprendidas entre os 2 e os 3 anos, participaron no **Programa de Educación Viaria**, posto en marcha polo Concello.



Noelia Barreiro, de 5 anos, que repite triunfo na categoría de 3 a 5 anos; Diego Raña, na categoría de 6 a 8 anos; e Gonzalo Mirás, de 9 a 11 anos, son os gañadores do Concurso de **Marcapáxinas** 2015.



O alcalde Manuel Mirás entregou os premios do **VI Concurso de Tapas** ao Café Bar Manuela, pola tapa "Peregrino"; o Bar Sigüeiro e o seu "Filet mignon"; e Tapería O'Martán, pola súa "Tosta do Martán".

## A XIX Festa da Troita supera os 25.000 visitantes

A **XIX Festa da Troita** superou con creces o obxectivo de superar os 25.000 visitantes, grazas tanto aos festivais Oroso en Vivo como a unha soleada xornada de domingo que trouxo ata Sigüeiro a milleiros de persoas de toda a contorna para participaren na **degustación gratuita de máis de 3.000 quilos de troita**, entre a degustación do Concello e os 38 establecementos adheridos, que non deixaron de servir troitas durante toda a xornada. Santiago Mazas e Álex Espiñeira foron os gañadores do XIX Campionato de Pesca, nas modalidades sénior e infantil.

